

Ո Ր Ո Շ ՈՒ Մ

Ճանապարհային ոստիկանության վարչական իրավախախտման գործի վերաբերյալ
01.06.2020թ. կայացված թիվ 00421-2 որոշումն անփոփոխ, իսկ վարչական բողոքն
առանց բավարարման թողնելու մասին

<23>> 06 2020թ. 7-13- 7148
ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Արթուր Դալլաքյանի վերաբերյալ Ն/2/36992-20 ՀՀ Ոստիկանության
շտաբից ստացված տեղեկանքի քննարկման արդյունքում ստեղծված նյութերը՝

Պ Ա Ր Զ Ե Ց Ի

Արովյան քաղաքի 2-րդ միկրոշրջանի 18 շենքի 25 բնակարանի բնակիչ Արթուր
Դալլաքյանը 01.06.2020թ-ին զանգահարել է ՀՀ Ոստիկանության <<Թեժ
գրծ>>ծառայություն և իր անհամաձայնությունն է հայտնել Ճանապարհային
ոստիկանության վարչական իրավախախտման գործի վերաբերյալ 01.06.2020թ.
կայացված թիվ 00421-2 որոշմանը նշելով, որ վարում է մարդատար տաքսի ավտոմոբիլ և
տվյալն պահին ավտոմոբիլում եղել է մենակ:

Դիմումի քննարկման արդյունքում պարզվել է, որ վարչական իրավախախտման գործի
վերաբերյալ 01.06.2020թ. կայացված թիվ 00421-2 որոշումը ենթակա է կատարման
հետևյալ պատճառաբանությամբ.

Վարչական իրավախախտումների վերաբերյալ ՀՀ օրենսգրքի 182.3-րդ հոդվածի 1.1
մասի համաձայն՝ արտակարգ իրավիճակի հիմքով հայտարարված արտակարգ դրության
ընթացքում ազատ տեղաշարժվելու պայմանները, պահանջները խախտելը՝ առաջացնում
է տուգանքի նշանակում՝ սահմանված նվազագույն աշխատավարձի տասնապատիկի
չափով:

Հայաստանի Հանրապետության ողջ տարածքում կիրառվող ժամանակավոր
սահմանափակումների վերաբերյալ պարետի 03.05.2020թ. N 63 որոշման 13-րդ
հավելվածի <<Մարդատար-տաքսի ավտոմոբիլներով ուղևորափոխադրումներ>> բաժնի
4-րդ կետի 2-րդ ենթակետի համաձայն՝ վարորդները պարտադիր կրում են անհատական
պաշտպանության միջոցներ՝ եռաշերտ պաշտպանիչ դիմակ և ձեռնոցներ, որոնք
փոխվում են 3 ժամը մեկ պարբերականությամբ:

Ուսումնասիրությամբ պարզվել է, որ 01.06.2020թ. ժամը 09:13-ի սահմաններում
Երևան քաղաքում քաղաքացի Արթուր Դալլաքյանի վարած ավտոմոբիլը կանգնեցվել է
Ճանապարհային ոստիկանության ուղեկցող սպայական վաշտի 2-րդ սպայական դասակի
ավագ տեսուչ, ոստիկանության մայոր Հ. Զանյանի և նույ դասակի տեսուչ
ոստիկանության կապիտան Գ. Մադոյանի կողմից՝ Հայաստանի Հանրապետության
պարետի 03.05.2020թ. N 63 որոշման 13-րդ հավելվածի <<Մարդատար-տաքսի

ավտոմոբիլներով ուղևորափոխադրումներ>> բաժնի 4-րդ կետի 2-րդ ենթակետի պահանջի խախտման համար, այն է՝ մարդատար տաքսի ավտոմոբիլի վարորդը չի կրել անհատական պաշտպանության միջոցներ՝ դիմակ և ձեռնոցներ: Վարչական իրավախախտումների վերաբերյալ ՀՀ օրենսգրքի 182.3-րդ հոդվածի 1.1 մասով կայացվել է վարչական իրավախախտման գործի վերաբերյալ թիվ 00421-2 որոշումը:

Ճանապարհային ոստիկանության ծառայողների կողմից տրված պարզաբանման համաձայն՝ քաղաքացի Արթուր Դալլաքյանի կողմից կատարված իրավախախտումը հիմնավորող՝ տեխնիկական միջոցների կիրառմամբ ձեռք բերված ապացույցներ առկա չեն, սակայն իրավախախտումն եղել է անմիջապես իրենց տեսադաշտում, ակնհայտ և պարզ տեսանելի, ինչի կապակցությամբ կազմվել է համապատասխան արձանագրություն և կայացվել թիվ 00421-2 որոշումը: Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 182.3-րդ հոդվածի 1.1 մասի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման գործի վերաբերյալ 01.06.2020թ. կայացված թիվ 00421-2 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Արթուր Դալլաքյանին և Ճանապարհային ոստիկանության ՎԱԿԱ բաժանմունք:



Կատարող՝ Գ.Հրաչյան

Հեռ. 011-544-783